



ficandi arte, nobis horridum Calvinii placitum *de absoluto decreto* (quod tamen hodie multi ex Reformatis Doctoribus rejiciunt) impudenter affinxit. Contemptu quidem primum hominis juvenili impetu æstuantis Sycophantias vindicare volebam; quam doctrina nostra orthodoxa solide jam a calumniis & naniis Sophistarum emendicatis in speciem *Responsis Superbientium & ostentantium*, vindicata & confirmata sit; & homines œconomia salutis Christianæ imperiti & contradicendi prurigine laborantes, plerumq; intractabiles ac contumaciores fieri soleant; si quis rectius vel modesti sine eos informare instituat. Nosti etiam ingeniorum turbulentorum indolem, quod ex litigiis cum claris Viris famam quærere studeant. At quum *Tibi Vir celeberrime*, cum *Facultate tuâ Theologica* impuras istas chartas, publica censura approbare placuerit, ut hujus controversiæ imperitis persuaderetur, novellum Licentiatum utiq; aliquid dixisse; veritatis divinæ tuendæ, & famæ nostræ a calumniis atrocibus liberandæ causa, non potui silere & improbi livoris importunitatem silentio quasi approbare. Interest enim cordati & fidelis V. D. Ministri famæ, publicum ejusmodi calumniatorem a Facultate scilicet Theologica adprobatum publice depellere; ne incauti juvenes aut alii male informati homines, tam splendida autoritate forsitan fallantur, aut per resuscitatum Huberianismum seducantur. Quod dum facere aggredior, Te *Vir maxime Reverende*, ideo præcipue compello, quia caput es Facultatis tuæ ac Professor excellentissimus, in cujus præcipitata censura, tuæ non potuerunt non præcipuas partes fuisse. Præsertim cum ante quatuor circiter annos, *Responsio Tuo* super *B. Bossii libello*, requisiti, hanc Controversiam primum in nostra Ecclesia excitasti eamque hactenus per varios modos Theologis veteranis alias inusitados & indignos fovere, protrahere & latius propagare per Septentrionem etiam allaborasti. Non tamen tecum, *Vir Celeberrime*, in hac epistola & Dissertatione apologetica *de censura*, licet super ejus iniquitate prolixius justam querelam movere possim, concertabo; nec etiam urgebo, quod omissa *principalis questione*, de quæstionibus juxta annatis tantum contentio repetita fuerit magis, quam mota; Sed *Domini Niehenckii Tui* nugas Sophisticas solum, & quidem sine ira & odio confutabo; ut adpareat tamen absq; illius injuria, hujus apologeticae epistolæ titulum a me inscribi potuisse:
Niehenckius Pseudoterminista Sycophantizans & coccyzans. Et ideo etiam, quod
Eilbar-